

POZIV MALIM I SREDNJIM PREDUZEĆIMA/OBRTRNICIMA NA PODRUČJU STAROG GRADA

Općina Stari Grad Sarajevo je s uspjehom aplicirala na Projekat unaprijeđenja lokalnog razvoja (GOLD). Ovaj projekat zajednički finansiraju Američka agencija za međunarodni razvoj (USAID) i Švedska međunarodna agencija za razvoj i saradnju (SIDA). Cilj naprijed pomenutog projekta je sljedeći:

- Promocija, integracija i sveobuhvatan pristup planiranju i implementaciji lokalnog ekonomskog razvoja LER u odabranim Općinama, sektorima sa najvećim potencijalom za brz i održiv rast radnih mjesta;
- Pomoć efikasnijem korištenju ekonomskih resursa Općine i promocija novih investicija u ciljanim sektorima kroz javna-privatna partnerstva;
- Angažovanje interesnih strana kako bi se poboljšalo pružanje javnih usluga i poslovno okruženje;
- Promocija novih direktnih investicija i podrška konkurentnim lancima s ciljem stvaranja novih radnih mjesta za mlađe osobe. Podrška poduzetništvu, privatnom i javnom sektoru na implementaciji programa za strukovno usavršavanje kako bi se mlađim ljudima omogućila sticanja vještina koje su potrebne za lokalnu ekonomiju.

U skladu sa navedenim, a u cilju privlačenja većeg broja stranih investicija u BiH iz Turske, Fondacija BIGMEV organizuje edukacijski ciklus po nazivom "Pisanje i implementacija investicijskih projekata".

Eksperti za pisanje projekata iz Direkcije za podršku malim i srednjim preduzećima R. Turske (KOSGEB) bi kroz petodnevnu edukaciju u Sarajevu pomogli učesnicima da svoje ideje pretoče u konkretne projekte. Učesnici bi zajedno sa edukatorima tokom 5 dana pisali biznis plan za svoje kompanije te je stoga potrebno da kompanija ima ideju za nove projekte. Po završetku edukacije, učesnici bi u roku od sedam dana svoje biznis planove doradili i poslali u digitalnom formatu BIGMEV-u, zatim bi projekti bili revidirani od strane iste i predati na evaluaciju. Projekti koji bi zadovoljili sve uslove bili bi ponudeni investitorima u Turskoj. Svi zainteresovani investitori za projekte bi bili pozvani u BiH gdje bi dobili mogućnost da se sastanu sa vlasnicima projekata.

U pratećem linku nalazi se detaljna informacija o naprijed pomenutom projektu sa svim potrebnim informacijama o mjestu, vremenu edukacije, načinu prijave na obuku, kao i prijavni aplikacioni obrazac.

Zainteresovana preduzeća/obrtnici svoje aplikacione obrasce trebaju dostaviti Fondaciji BIGMEV na e-mail: almir.mukaca@bigmev.org najkasnije do 19.05.2014. godine uz obavezno prijavljivanje Općini Stari Grad slanjem aplikacije na e-mail: enida.osmanagic@starigrad.ba.